

唐  
音  
統  
籤

庾籤一百十

唐音統籤卷七百五十

周曇唐末守國子直講嘗撰進咏史絕句詩八卷

唐宋二志無鄭樵藝文略有其詩拙惡不成句殆不幸而猶傳者

今爲三卷

吟敘

歷代興亡億萬心聖人觀古貴知今古今成敗無  
多事月殿花臺幸一吟

閒吟

考據妍蚩用破心剪裁千古獻當今閒吟不是閒  
吟事事事閒思閒要吟

唐堯

以下唐虞

月  
系  
重  
祆氛不起瑞烟輕端拱垂衣日月明何事四方無  
外役茅茨深處土堦平

虞舜

進善懲奸立帝功功成揖讓益溫恭滿朝卿士多  
元凱爲黜兜苗與四兇

舜妃

蒼梧一望隔重雲帝子悲尋不記春何事淚痕偏  
在竹貞姿應念節高人

再吟

瀟湘何代泣幽冤骨化重泉志尚存若道地中休

下淚不應新竹有啼痕

夏禹

以下三代

堯違天孽賴詢謨  
顛免洪濤浸碧虛  
海內生靈微  
伯禹盡應隨浪化爲魚

再吟

萬古龍門一旦開  
無成生死作黃能  
司空定有匡  
堯術九載之前何處來

太康

師保何人爲琢磨  
安知父祖苦辛多  
酒酣禽色方  
爲樂詎肯聞聽五子歌

后稷

人惟邦本本由農曠古誰高后稷功百穀且繁三  
曜在牲牢郊祀信無窮

文王

昭然明德報天休禴祭惟馨勝殺牛二老五侯何  
所詐不歸商受盡歸周

武王

文王寢膳武王隨內豎言安色始怡七載豈堪囚  
羑里一夫爲報亦何疑

太公

昌獵關西紂獵東紂憐崇虎棄非熊  
危邦自謂多麟鳳肯把王綱取釣翁

再吟

東隣不事事西隣御物卑和物自親  
天下言知天下者兆人無主屬賢人

又吟

千妖萬態逞妍姿破國亡家更是誰  
匡政必能除苟媚去邪當斷勿狐疑

子牙妻

陵柏無心竹變秋不能同戚擬同休  
歲寒焉在空

垂涕覆水如何欲再收

周公

文武傳芳百代基幾多賢哲守成規仍聞吐握延  
儒素猶恐民疵未盡知

夷齊

讓國由哀義亦乖不知天命匹夫才將除暴虐誠  
能阻何異崎嶇助紂來

管蔡

伊商胡越尚同圖管蔡如何有異謨不念祖宗危  
社稷強干仁豈遽行誅

成王

成王有過伯禽知聖惠能新日自奇王道旣成何  
所感越裳呈瑞鳳來儀

幽王

狼煙篝火爲邊塵烽候那宜悅婦人厚德未聞聞  
厚色不亡家國幸亡身

平王

犬戎西犯滅幽王邦土何由不便亡宜白東來年  
更遠川流雖絕信源長

祭足

以下春秋戰國之上



吳魯燕韓豈別宗  
曾無外禦但相攻  
當時周鄭誰爲相  
交質將何服遠戎

再吟

周室衰微不共匡  
干戈終日互爭強  
諸侯若解尊天子  
列國何因次第亡

隱公

今古難隄是小人  
苟希榮寵任相親  
陳謀不信懷憂懼  
反間須防却害身

莊公

齊甲強臨力有餘  
魯莊爲戰念區區  
魚麗三鼓微

曹劇肉食安能暇遠謨

哀公

賢爲隣用國憂危廟算無非委艷竒兩葉翠娥春  
乍展一毛須去不難吹

再吟

好龍天爲降真龍及見真龍瘁厥躬接下不勤徒  
好士葉公何異魯哀公

平公

鴻鵠輕騰萬里高何殊朝野得賢豪能知翼戴穹  
蒼力不是蒙茸腹背毛

文公

滅虢吞虞未息兵  
柔秦敗楚霸威成  
文公徒欲三  
强服分晉元來是六卿

景公

覺病當宜早問師  
病深難療恨難追  
晉侯徒有秦  
鑒緩疾在膏肓救已遲

衛靈公

子魚無隱欲源清  
死不忘忠感衛靈  
伯玉旣親知  
德潤殘桃休喫悟蘭馨

陳靈公

誰與陳君嫁禍來孔寧行父夏姬媒靈公徒認微  
舒面至死何曾識禍胎

陳蔡君

楚聘宣尼欲道光  
是時陳蔡畏隣強  
庸謀但解選  
賢路不解迎  
賢謀自昌

楚惠王

芹中遇蛭強爲吞  
不欲緣微有害人  
何事免成心  
腹疾皇天惟德是相親

楚懷王

不聽陳軫信張儀  
六里商於果見欺  
旣捨黔中西

換得又令生去益堪悲

再吟

不得商於又失齊楚懷方寸一何迷明知秦是虎  
狼國更恐車輪獨向西

韓惠王

韓惠開渠止暴秦營千萬頃飽秦人何殊般肉供  
獸獸壯安知不害身

頃襄王

秦陷荆王死不還祗緣偏聽子蘭言頃襄還聽子  
蘭譖竟使江魚葬屈原

武公

猛獸來兵祇爲文  
豈宜涼德擬圖尊  
君看豹彩蒙  
麋質人取無難必不存

華元

未知軍法忌偏頗  
徒解腹漫膳昔日羊斟曾  
不預今朝爲政事如何

臧孫

諸孟憎吾似犬獐  
賢臧哭孟倍傷情  
季孫愛我如  
耳疾疾足亡身藥故寧

公叔

吳起南奔魏國強必聽公叔失賢良無謀縱欲離  
安邑可免他時徙大梁

莊辛

莊辛正諫謂妖詞兵及鄢陵始悔思見兔必能知  
顧犬亡羊補棧米爲遲

孫臏

曾嫌勝已害賢人鑽火明知速自焚斷足爾能行  
足逢君誰肯不酬君

靈轍

失水枯鱗得再生翳桑無地謝深情朱輪未染酬

恩血公子何由見赤誠

郭開

秦襲邯鄲歲月深何人解贈郭開金廉頗還國李  
牧在安得趙王爲爾擒

樂羊

杯羹忍啜得非忠巧倭何爲惑主聰盈篋謗書能  
寢默中山不是樂羊功

虞卿

割地求和國必危安如堅守絕來恩年年來伐年  
年割割盡邯鄲何所之



豫讓

門客家臣義莫儔  
漆身吞炭不能休  
中行智伯思何異  
國士終期國士酬

毛遂

不識囊中穎脫錐  
功名方信有英奇  
平原門下三千客  
得力何曾足素知

再吟

定獲英奇不在多  
然須設網遍山河  
禽雖一目羅中得  
豈可空張一目羅

田文

下客常才不足珍誰爲狗盜脫強秦秦關若待鷄  
鳴出笑殺臨淄土偶人

再吟

門下三千各自矜頻彈劔客獨無能田文不厭無  
能客三窟全身果有憑

馮讜

兔窟穿成主再興輩流狐伏敢驕矜馮讜不是無  
能者要試君心欲展能

章子

在家能子不能臣齊將功臣以孝聞改葬義無欺

月言紀  
歟父臨戎安肯背生君

卞和

磷磷誰爲惑溫溫至寶凡姿甚易分自是時人多  
貴耳目無明鑒使俱焚

季札

吹毛霜刃過千金生許徐君死挂林寶劍徒稱無  
價寶行心更貴不欺心

孫武

理國無難似理兵兵家法令貴遵行行刑不避君  
王寵一笑隨刀八陣成

夫差

信聽讒言疾不除忠臣須殺竟何如  
會稽既雪夫差死泉下胡顏見子胥

少孺

寶貴親仁與善隣  
隣兵何要互相臻  
螳螂定是遭黃雀  
黃雀須防挾彈人

蘇厲

百步穿楊箭不移  
養由堪教聽弘規  
身隆業著未  
知退勿遣功名一旦隳

衛鞅

鬻拳強諫懼威刑退省懷慙不顧生雙刖忍行留  
痛恨惟君適足見忠誠

荆軻

反刃相酬是匹夫安知突騎駕羣胡有心爲報懷  
權略可在於期與地圖

再吟

幾尺如霜利不群恩讐未報反亡身誠哉利器全  
用可惜吹毛不得人

陳軫

丹青徒有逞諂譁有足由來不是蛇殺將破軍爲

柱國君今官極更何加

田饒

厨拋敗肉士懷饑倉爛餘糧客未炊臨難欲行求  
死士將何恩信致扶危

鮑叔

忠臣祝壽吐嘉詞鮑叔臨軒酒一卮安不忘危臣  
所願願思危困必無危

晏嬰

正人徒以刃相危貪利忘恩無不爲麋鹿命懸當  
有處驅車何必用奔馳

再吟

下澤逢蛇盡是常還如山上見豺狼國中有惟非  
蛇獸不用賢能是不祥

又吟

馬斃旣人欲刑百年臨盡一言生賴逢賢相能  
匡救仍免吾君播惡聲

叔向

家不敢言小臣憂禍亦如然明開諫諍能  
無罪祇此宜先

師曠

老能勸學照餘生似夜隨燈到處明  
往行前言如不見暗中無燭若爲行

智伯

三國連兵敵就擒晉陽城下碧波深  
風濤撼處看沉趙舟楫不從翻自沉

再吟

攻城來下惜先分一旦家邦屬四鄰  
徒恃威強惟智伯不知權變是愚人

襄子

君子常聞不迫危城崩何用急重圍  
叛能退修



文德果見中牟以義歸

楊回

三逐鄉閭五去君莫知何地可容身  
楊回不是逢英鑒白首無成一旅人

顏回

陋巷簞瓢樂有年是時端木飢腥膾  
宣尼行教何形迹不肯徒行葬子淵

子貢

救魯亡吳事可傷誰令利口說田常  
吳亡必定由端木魯亦宜其運不長

再吟

一言能使定安危安已危人是所宜仁義不思乖  
教化背恩忘德豈儒爲

鄭相

鄭相清賢慎有餘好魚魚至竟何如退魚留得終  
身祿祿在何憂不得魚

子產

爲政何門是化源寬仁高下保安全如專水德人  
多狎拯溺宜兼猛濟寬

管仲

美酒濃馨客要沽  
門深誰敢強提壺  
苟非賢主詢  
賢士肯信沽人畏子獮

再吟

社鼠穿墻巧庇身  
何由攻灌若爲燠  
能知窟穴依  
形勢不聽讒邪是聖君

范蠡

西子能令轉嫁吳  
會稽知爾啄姑蘇  
跡高塵外功  
成處一葉翩翩在五湖

屈原

滿朝皆醉不容醒  
衆濁如何擬獨清  
江上流人真

浪歟誰知浸潤悞深誠

黃歇

春申隨質若王圖爲主輕生大丈夫女子異心安  
足聽功成何更用陰謀

王后

連環要解解非難忽碎瑤堦一旦間兩國相持兵  
不解會應俱碎似連環

樊姬

側影頻移未退朝喜逢賢相日從高當時不有樊  
姬問令尹何由進叔敖

戊籤一百十周曇之二

唐音統籤卷

七百五十一

齊桓公

以下春秋戰國之下

三往何勞萬乘君五來方見一微臣微臣傲爵能輕主霸主如何敢傲人

中山君

敵臨烹子一何庸激怒來軍速自攻結怨豈恩圍不解愚謀多以殺爲雄

趙簡子

簡子雄心蓄霸機賢愚聊欲試諸兒假言藏寶非真寶不是生知焉得知

再吟

諤諤能昌唯唯亡亦由匡正得賢良一從忠讜無  
周舍吾過何人爲短長

趙宣子

門人曾不有提彌連嗾呀呀孰敢支臨難若教無  
苟免亂朝爭那以焚爲

韓昭侯

去年秦伐我宜陽今歲天災旱且荒對此不思人  
力困樓門何可更高張

魏文侯

月雨如何固出畋慮乖羣約失乾乾文侯不是貪  
禽者示信將爲教化先

郊成子

陳樂無懽璧在隅宰臣懷智有微謨苟非成子當  
明哲誰是仁人可託孤

秦武陽

卅歲徒聞有壯名及令爲副誤荆卿是時環柱能  
相副誰謂燕囚事不成

田子方

太子無嫌禮樂虧願聽貧富與安危賤貧驕物貧

終在富貴驕人貴必隳

淳于髡

穰穰何禱手何賁一呷村漿與隻雞以少求多誠可笑還如輕幣欲全齊

再吟

戲問將何對所耽滑雞無骨是常譚昔時王者皆通四近見君王祇好三

再吟

曲突徙薪不謂賢焦頭爛額饗盤筵時人多是輕先見不獨田家國亦然



田子奇

少年爲吏慮非循一騎奔追委使臣使者不追何  
所對車中緣見白頭人

百里奚

船驥由來是股肱在虞虞滅在秦興裁量何異刀  
將尺祇繫用之能不能

孫叔敖

童稚逢蛇歎不祥慮惹來者爲埋藏是知陽報由  
陰施天爵昭然契日彰

魯仲連

昔迸燒牛發戰機夜奔火燕師今來躍馬懷  
橋墮十萬如無一撮時

宋子罕

子憐溫潤欲歸仁吾貴堅廉是寶身自有不貪身  
內寶玉人徒獻外來珍

宮之奇

虞虢相依自保安謀臣吞度不爲難貪憐璧馬迷  
香餌肯信之奇論齒寒

王孫滿

九牧金鑠物像成辭昏去亂祚休明興亡在德不

在鼎楚子何勞問重輕

顏叔子

夜雨鄰娃告屋傾一宵從寄念悲驚誠知獨處從  
燒燭君子行心要自明

張孟談

強兵四合國將危賴有謀臣爲發揮城內蒿銅誠  
自有無謀誰解見玄機

公子無忌

拔劍臨籠震咄呼鷄甘梟戮伏鳩辜能憐鈍拙誅  
豪俊憫弱推強真丈夫

再吟

趙解重圍魏再昌  
信陵賢德日馨芳  
昏蒙愚主聽讒說  
公子云亡國亦亡

侯羸朱亥

屠肆監門一賤微  
信陵交結國人非  
當時不是二君計  
疋馬那能解趙圍

再吟

走敵存亡義有餘  
全由雄勇與英謨  
但如公子能交結  
朱亥侯羸何代無

胡亥

以下秦

鹿馬何難辨是非寧勞十筮問安危權臣爲亂多  
如此亡國時君不自知

再吟

盜賊縱橫主惡聞遂爲流矢犯君軒惟言何不旱  
言者若使早言還不存

趙高

趙高胡亥速天誅率土興兵怨毒痛豐沛見機群  
小吏功成兒戲亦何殊

陳涉

秦法煩苛霸業隳一夫攘臂萬夫隨王侯無種英

雄志驚雀喧喧安得知

項籍

九垓垂定棄謀臣  
一陣無功便殺身  
壯士誠知輕性命  
不思辜負八千人

范增

智主寧爲暗主謨  
范公曾不讀兵書  
平生心力爲誰盡  
一事無成空背疽

高祖

以下前漢

愛子從烹報主時  
安知強啜不啗悲  
太公懸命臨刀几  
忍取杯羹欲爲誰

再吟

北伐匈奴事可悲當時將相是其誰君臣束手平  
城裏三十萬兵能忍饑

周苛紀信

爲主堅能不顧身赴湯蹈火見忠臣後來邦國論  
心義誰是君王出熱人

鄼侯

共怪鄼侯第一功咸稱得地合先封韓生不是蕭  
君薦獵犬何人爲指蹤

曲逆侯

社肉分平未足奇須觀大用展無私一朝如得宰  
天下必使還如宰社時

薛公

黥布稱兵孰敢當薛公三計爲斟量上中良策如  
非用南取長沙是死鄉

條侯

上將風戈賞罰明矛鋌嚴閉亞夫營人君却稟將  
軍令按轡垂鞭爲緩行

平津侯

儒素逢時得自媒忽從徒步列公台杜辰如不延



吾輩東閣何由逐汝開

博陸侯

棟梁徒自保堅貞  
毀穴難防雀鼠爭  
不是主人知詐僞  
如何柱石免欹傾

夏賀良

漢代中微亦再昌  
忠臣憂國冀修禳  
赤精符讖誠非妄  
枉殺無辜夏賀良

王莽

權歸諸呂牝雞鳴  
殷鑒昭然詎可輕  
新室不因崇外戚  
水中安敢寄生營

再吟

重賦嚴刑作禍胎豈知由此亂離媒家傳揖讓亦  
難濟况是身從傾篡來

又吟

銅馬朱脣滿四方總緣居攝亂天常因君多少布  
衣士不是公卿卽帝王

毛延壽

不拔金釵賂漢臣徒嗟玉艷委胡塵能知貨賄移  
妍醜豈獨丹青畫美人

劉聖公

不納良謀劉續言胡爲衛壁向崇宣傷哉亂帝途  
窮處何必當時諳福先

樊崇徐宣

庸中狡狡鐵錚錚百萬長驅入帝京首事縱隳三  
善在歸仁何慮不全生

僭號公孫述

劍蜀金湯孰敢爭子陽才業匪雄英方知在德不  
在險危機何曾阻漢兵

戊籤一百十周曇之三

唐音統籤卷

七百五十二

光武

以下後漢

成敗非儒孰可量儒生何指指蕭王蕭王得衆能  
寬裕吳漢歸來帝業昌

明帝

朝臣咸佞孰知非張佚公忠語獨奇博士一言除  
太傳謚爲明帝信其宜

桓帝

能嫌跋扈斬梁王寧便榮枯信段張襄楷忠言誰  
佞惑忍教奸禍起蕭牆

靈帝

榜懸金價鬻官榮千萬爲公五百卿公瑾光明窮  
退者安知高卧遇雄英

廢帝

亂兵如蝟走王師社稷顛危孰爲持夜逐螢光尋  
道路漢家天子步歸時

獻帝

祇爲曹侯數貴人普天黔首盡黃巾漢靈早聽侍  
中諫安得獻生稱不辰

再吟

咸刑科有黨偏耕夫無不事戎旃是時老幼饑  
號處一斛黃禾五百千

子密

子密封侯豈所宜能高德義必無爲當時若縛還  
彭氏率土何憂不自歸

羊續

魚懸潔白振清風祿散親賓歲自窮單席寒廳慙  
使者葛衣何以至三公

楊震

爲國推賢匪惠私十金爲報遽相危無言暗室何

人見咫尺斯須已四知

趙孝

綠林清旦正朝饑豈計行人瘦與肥爲感在原哀  
叫切鵲鴒休投聽雙飛

馬后

龍衣閒寂闕羣書薦達嬪妃廣帝居再實傷根嫌  
貴寵惠慈勞悴育皇儲

魏博妻

蘿掛青松是所依松凋蘿更改何枝操刀必割腕  
可斷盤石徒堅心不移

曹娥

心摧目斷哭江濱  
窺浪無蹤日又昏  
不入重泉尋水底  
此生安得見沉魂

周都妻

綠水雙鴛一已沉  
皇天更欲配何禽  
不將血涕隨霜刃  
誰見朱殷未死心

鮑宣妻

君惡奢華意不歡  
一言從儉亦何難  
但能和樂同琴瑟  
未必恩情在綺紈

琴瑟



月一  
獄無良吏雪無由處處戈鋌自執仇呂毋銜冤窮  
老婦亦能爲帥復私讐

蜀先主

以下三國

豫州軍敗信途窮徐庶推能薦卧龍不是卑詞三  
訪謁誰令玄德主巴邛

再吟

一家區宇忽三分離亂車書曷足論定有伊姜爲  
佐輔忍教鴻鴈各乾坤

後主

萬峰如劒載前來危閣橫空信險哉對此玄休長

嘆息方知劉禪是庸才

吳后主

吳宮季主恣驕奢移盡江南百媚花一旦狂風江  
上起花隨風散落誰家

王表

王表聞聲莫見身吳中敬事甚君親是知邦國將  
亡滅不聽人臣聽鬼神

魯肅

輕財重義見英奇聖主賢臣是所依公瑾窘饑求  
子敬一言纔起數船歸

晉武帝

以下晉

漢貪金帛鬻公卿財贍羸軍冀國寧  
晉武鬻官私室富是知猶不及桓靈

再吟

君人爲理在安民論道求賢德自新  
經國遠圖無所問何曾言指一何神

惠帝

蛙鳴堪笑問官私更勸饑人食肉糜  
蒙昧萬機猶婦女寇戎安得不紛披

賈后

賈后甘爲廢戮人齊王還殺趙王倫一從天下無  
真主瓜割中原四百春

懷帝

蕃漢戈矛遍九垓兩京簪紱走黃埃劉聰大會平  
陽日遣帝行觴事可哀

愍帝

耕牛喫盡大田荒二兩黃金糴斗糧御粥又聞無  
麴屑不降胡虜奈饑腸

郭欽

誰疑忠諫郭欽言不逐戎夷出塞垣晉室旣無開

聖主果爲胡虜亂中原

王夷甫

六合誰爲輔弼臣  
入風昏處盡胡塵  
是知濟弱扶傾術  
不屬高談虛論人

王茂弘

韓魏荆楊日豈堪  
胡風看欲過江南  
中原一片生靈血  
誰秉王綱色不慙

吳隱之

聞說貪泉近鬱林  
隱之今日得深斟  
徒言滴水能穿石  
其那堅貞匪石心

再吟

貪泉何處是泉源只在靈臺一點間必也心源元  
自有此泉何必在江山

前趙劉聰

以下六朝

戎羯誰令識善言刑將不捨遽能原垂成却罷鳳  
儀殿仍收逍遙納諫園

前涼張軌

官從主簿至專征誰遣涼主破趙名益信用賢由  
拔擢穰苴不是將家生

後魏武帝

太武南征似卷蓬徐陽亮蔡殺皆空從來弔伐寧  
如此千里無煙血草紅

三廢帝

明莊節愍併罹殃命在朱高二悖王已嘆一年三  
易換更嗟殿辱下東廊

待堅

百萬南征幾馬歸叛亡如蝟亦何悲賓擒敵國諸  
戎主更遣權兵過在誰

再吟

空知勇銳不知兵困獸孤軍未可輕安有長驅百

餘萬身馳幾旅欲先征

又吟

水影星光怪異多不思修德事干戈無謀拒諫仍  
輕敵國破身擒將奈何

宋武帝

棲棲老楚未遭時悲憤憑陵似迫危人傑旣爲王  
謚識刁達誅斬獨何悲

二廢帝

肆意荒狂殺不辜方嗟廢帝又蒼梧自言威震爲  
英武肯慮湘東與王夫



齊廢帝東昏侯

定策誰扶捕鼠兒不憂蕭衍畏潘妃長圍旣合刀  
臨項猶惜金錢對落暉

梁武帝

梁武年高厭六龍繁華聲色盡歸空不求賢德追  
堯舜翻作憂囚一病翁

再吟

興亡何故遽環迴湯紂身爲事可哀莫是自長嫌  
勝已蔽賢猶執匹夫才

簡文帝

救兵方至強抽軍與賊開城是簡文曲項琵琶催  
酒處不圖爲樂向誰云

元帝

水柵江城困魏軍王褒橫議過謀臣賓降未免俱  
爲戮一死安能謝益仁

謝舉

叛奴逃數豈堪留忠節曾無肯到頭朱昇早能同  
遠見青衫寧假帝登樓

朱昇

徒覽儒書不學兵彥和虛得不廉名四郊鏖壘猶

相罪國破將何謝太清

傳昭

爲政殘苛獸亦饑除饑機在養疲羸人能善政獸  
何暴焉用勞人以檻爲

宣帝

宣帝驕奢恣所爲後宮昇降略無時乘危自有妻  
公在安許鸞鳳是尉遲

李集

忠諫能堅信正臣三沉三屈竟何云每沉良久方  
能語及語還呼桀紂君

隋文帝 以下隋

孤兒寡婦忍同欺輔政剛教篡奪爲矯詔必能踈  
助譯直臣誠合重顏儀

獨孤后

腹生奚強有親疎憐者爲賢棄者愚儲貳不遭讒  
搆死隋亡寧便在江都

煬帝

拒諫勞兵作禍基窮奢極武向戎夷兆人疲弊不  
堪命天下嗷嗷新主資

賀若弼

破敵將軍意氣豪請除傾國斬妖嬈紅綃忍染嬌  
春雪瞪目看行切玉刀

戊籤一百十一

唐音統籤卷

七百五十三

孫元晏爵里無考詠六朝史絕句一卷

唐志無宋志有非史

絕句三卷今亡

六朝詠史詩七十五首

吳黃金車

分擘山河卽漸開許昌基業已傾頽黃金車與斑  
斕耳早箇須知入識來

赤壁

曾獵書來舉國驚祇應周魯不教迎曹公一戰奔  
波後赤壁功傳萬古名

魯肅指園

破產移家事亦難佐吳從此霸江山爭教不立功  
勲得指出千園如等閒

甘寧斫營

夜深偷入魏軍營滿寨驚忙火似星百口寶刀千  
匹絹也應消得與甘寧

徐盛

欲把江山鬥足分那真箇冊到江南當時將相誰  
堪重徐盛將軍最不甘

魯肅

斫案典言斷衆疑  
鼎分從此定雄雌  
若無子敬心相似  
爭得烏林破魏師

武昌

西塞山高截九垓  
讖謠終日自相催  
武昌魚美應難戀  
曆數須歸建業來

顧雍

贊國經綸更有誰  
蔡公相歎亦相師  
貴爲丞相封侯了  
歸後家人總不知

呂蒙

幼小家貧實可哀  
願征行去志難回  
不探虎穴求



身達爭得人間富貴來

介象

好道君王遇亦難  
變通靈異幾多般  
介先生有神  
仙術釣得鱸魚在玉盤

濡須塢

風揭洪濤響若雷  
枕波爲壘險相隈  
莫言有箇濡  
須塢幾度曹公失志回

周泰

名與諸公又不同  
金瘡痕在滿身中  
不將御蓋宣  
恩澤誰信將軍別有功

張紘

東部張公與衆殊共施經略贊全吳陳琳漫自稱  
雄伯神氣應須怯大巫

太史慈

聖德招賢遠近知曹公心計却成欺陳韓昔日嘗  
投楚豈是當歸召得伊

孫堅后

委付張公翊聖材幾將賢德贊文臺爭教不霸江  
山得日月微曾入夢來

陸統

將軍身歿有兒孤虎子爲名教讀書更向宮中教  
騎馬感君恩重合何如

青蓋

曆數將終勢已摧不修君德更堪哀被他青蓋言  
相誤元是須教入晉來

晉七寶鞭

天命須知豈偶然亂臣徒欲用兵權聖謨廟略還  
應別渾不消他七寶鞭

庾悅鵝炙

春暖江南景氣新子鵝炙美就中珍庾家厨盛劉

公困渾弗相貽也惱人

謝玄

百萬兵來逼合肥謝玄爲將統雄師旌旗首尾千  
餘里渾不消他一局碁

謝混

尚主當初偶未成此時誰合更關情可憐謝混風  
華在千古翻傳禁錮名

陸玩

陸公高論亦由衷謙讓還慙未有功天下忠良人  
欲盡始應交我作三公

王坦之

晉祚安危只此行坦之何必苦憂驚謝公合定寰  
區在爭遣當時事得成

蒲葵扇

拋捨東山歲月遙幾施經略挫雄豪若弄名德喧  
寰宇爭得蒲葵價數高

王郎

太尉門庭亦甚高王郎名重禮相饒自家妻父猶  
如此誰更逢君得折腰

劉毅

遶牀堪壯喝盧聲似鐵容儀衆盡驚二十七人同  
舉義幾人全得舊功名

王恭

春風濯濯柳容儀鶴氅神情舉世推可惜教君仗  
旄鉞枉將心地託牢之

謝公賭墅

發遣將軍欲去時略無情撓只貪碁自從乞與羊  
曇後賭墅功成更有誰

苻堅投箒

投箒填江語未終謝安乘此立殊功三台星爛乾

坤在且與張華死不同

衛玠

叔寶羊車海內稀  
山家女婿好風姿  
江東士女無端甚  
看殺玉人渾不知

郭璞脫襦

吟坐因思郭景純  
每言窮達似通神  
到頭分命難移改  
解脫青襦與別人

庾樓

江州樓上月明中  
從事同登眺遠空  
玉樹忽薶千載後  
有誰重此繼清風

新亭

容易乘虛逼帝畿  
滿江艘舫與旌旂  
盧循若解新亭上  
勝負還應未可知

宋大峴

大峴纔過喜可知  
指空言已副心期  
公孫計策嗟無用  
天與南朝作霸基

放宮人

納諫廷臣免犯顏  
自然恩可霸江山  
姚興侍女方承寵  
放出宮闈若等閒

借南苑



人主詞應不偶然幾人曾說笑掀天不知南苑今  
何在借與張公三百年

謝澹雲霞友

仗氣凌人豈可親只將范泰是知聞緣何喚作雲  
霞友却恐雲霞未似君

烏衣巷

古迹荒基好歎嗟滿川吟景只煙霞烏衣巷在何  
人住回首令人憶謝家

袁粲

負才尚氣滿朝知高卧閒吟見客稀獨步何人識

袁尹白楊郊外醉方歸

劉伯龍

位重何如不厭貧伯龍孤子只修身固知生計還  
須有窮鬼臨時也笑人

王方平

拂衣耕釣已多時江上山前樂可知着却貂裘將  
採藥任他人喚作漁師

黃羅襪

戚屬羣臣盡見猜預憂身後又堪哀到頭委付何  
曾是虛把羅襪與彥回

謝朓

謝家諸子盡蘭香  
各震芳名滿帝鄉  
惟有千金更堪重  
只將高卧向齊王

羊玄保

運命將來各有期  
好官才闕卽思之  
就中堪愛羊玄保  
偏受君王分外知

齊謝朓

解璽傳呼詔侍中  
却來高卧豈疏慵  
此時忠節還希有  
堪羨君王特地容

小兒執燭

謝公情量已難量忠宋心誠豈暫忘執燭小兒渾  
放去略無言語與君王

王僧祐

肯與公卿作等倫澹然名德只推君任他車騎來  
相訪簫鼓盈庭似不聞

王僧虔

位高名重不堪疑懇讓儀同帝亦知不學常流爭  
進取却憂門有二台司

明帝裹蒸

至尊尊貴異人間御膳天厨豈等閒惜得裹蒸無

用處不如安霸取江山

鬱林王

強哀強慘亦從伊歸到私庭喜可知喜字漫書三  
十六到頭能得幾多時

何氏小山

顯達何曾肯繫心築居郊外好園林賺他謝朓出  
山去贏得高名直至今

王倫之

豫章太守重詞林圖書陳蕃與華歆更莫子將并  
孺子爲君千載作知音

潘妃

曾步金蓮寵絕倫豈甘今日委埃塵玉兒還有懷  
恩處不肯將身嫁小臣

王亮

後見梁王未免哀奈何無計拯傾頽若教彼相顛  
扶得爭遣明公到此來

梁分宮女

滌蕩齊宮法令新分張宮女二千人可憐無限如  
花貌重見世間桃李春

馬仙琕

齊朝太守不甘降忠節當時動四方義士要教天下見且留君住待袁昂

勅敵

傳聞天子重儒才特爲皇華綺宴開今日方驚遇勅敵此人元自北朝來

蔡樽

紫茄白莧以爲珍守任清真轉更貧不飲吳興郡中水古今能有幾多人

楚祠

曾與蕭侯醉玉杯此時神影盡傾頽莫云千古無

靈聖也向西川助敵來

謝朓小輿

小輿升殿掌鈞台不免無憀却憶回應恨被他何  
胤誤悔先容易出山來

八關齋

依憑金地甚虔誠恐溺空王爲聖明內殿設齋申  
禱祝豈無功德及臺城

庾信

苦心詞賦向誰談淪落周朝志豈其可惜多才庾  
開府一生惆悵憶江南



陳王僧辨

彼此英雄各有名  
石頭高卧擬爭衡  
當時堪笑王僧辨  
待欲將心託聖明

武帝蚌盤

金翠絲簾略不舒  
蚌盤清宴意何如  
豈知三閣繁華日  
解爲君王妙破除

虞居士

苦諫將軍總不知  
幾隨煙焰作塵飛  
東山居士何人識  
惟有君王却許歸

姚察

曾佐徐陵向北遊  
剖陳疑事動名流  
却歸掌選清何甚  
一匹花練不肯收

宣帝傷將卒

前後兵師戰勝回  
百餘城壘盡歸來  
當時將卒應知感  
况得君王爲舉哀

臨春閣

臨春高閣上  
侵雲風起香飄數里聞  
自是君王正沈醉  
豈知消息報隋軍

綺閣

結綺高宜眺海涯  
上凌丹漢拂雲霞  
一千朱翠同

居此爭奈恩多屬麗華

望僊閣

多少沈檀結築成  
望仙爲號倚青冥  
不知孔氏何形狀  
醉得君王不解醒

三閣

三閣相通綺宴開  
數千朱翠遶周回  
只知斷送君王醉  
不道韓擒已到來

狎客

八宮妃盡賦篇章  
風揭歌聲錦繡香  
選得十人爲狎客  
有誰能解諫君王

淮水

文物衣冠盡入秦六朝繁盛忽埃塵自從淮水乾  
枯後不見王家更有人

江令宅

不向南朝立諫名舊居基在事分明令人惆悵江  
中令只作篇章過一生

後庭舞

嬋婉回風態若飛麗華翹袖玉爲姿後庭一曲從  
教舞舞破江山君未知

卷終

戊籤餘諸國主詩

唐音統籤卷

七百五十四

南唐先主李昇詩一首

昇字正倫徐州人楊行密養為子以乞徐溫冒姓名

為徐知誥後代溫秉政受楊氏禪僭帝位都金陵復姓更今名偽謚烈祖傳國三十九年亡

嗣主咏燈

詩史云九歲在溫家作溫閱之歎賞遂不以常兒遇之

一點分明值萬金開時惟怕冷風侵主人若也勤

挑撥敢向尊前不盡心

李璟詩二首

璟字伯玉烈祖之子風度高秀工屬文中原南伐感土降號以

憂悔而列偽謚元宗

游後湖賞蓮花

蓼花蘸水火不滅水鳥驚魚銀梭投滿目荷花千

萬頃紅碧相雜敷清流孫武已斬吳宮女琉璃池

上佳人頭

據遺云識者謂非吉語

保大五年元日大雪同太弟景遂江王景邊  
齊王景逵進士李建勳中書徐鉉勤政殿學  
士張義方登樓賦

珠簾高捲莫輕遮往往相逢隔歲華春氣昨宵飄  
律管東風今日放梅花素姿好把芳姿掩落勢還  
同舞勢斜坐有賓朋罇有酒可憐清味屬儂家

句

靈槎思浩蕩老鶴憶崆峒

古今詩話璟割江之後遷都豫章每北望忽忽

不樂作詩  
有此句

蒼苔迷古道紅葉亂朝霞  
廬山百花亭刊石

棲鳳枝梢猶軟弱化龍形狀已依稀  
十歲咏新竹

後主李煜詩十八首  
煜字重光元宗子嗣位十五年宋師克金陵出降封隴西

公卒贈吳王宋志云集十卷詩一卷南唐書云煜

自哀其文命徐鉉爲序煜少聰慧善屬文性好

聚書官中圖籍充初鍾王墨跡尤多置澄心堂于

內苑延引文士居其間酷尚浮屠法時請沙門講

論著雜說百篇時人以爲可繼典論兼善書畫又

妙于音律云方回云李後主號能詩詞集中多

有病詩憔悴衰颯似貧

士大夫詩宜其亡也

### 病中感懷

憔悴年來甚蕭條益自傷  
風威侵病骨雨氣咽愁腸  
夜鼎惟煎藥朝髭半染霜  
前緣竟何似誰與問

空王

悼幼子瑞保

南唐書宣城公仲宣小字瑞保昭惠周后所生三歲讀孝經若

成誦聞奏樂輒審音調四歲天時昭惠病劇盟恐重傷其意默坐飲泣因爲詩以寫志吟詠數四左右爲之泣下

永念難消釋孤懷痛自嗟雨深秋寂寞愁引病增  
加咽絕風前思昏矇眼上花空王應念我窮子正

迷家

宣城公輓辭二首

宣城之死也昭惠方病聞而哀苦增劇遂至于殂昭

惠通書史善歌舞諸藝尤工琵琶寵嬖專房卒年二十九煜輓辭皆并其母子悼之

珠碎眼前珍花猶世外春未消心裏恨又失掌中



身玉筍猶殘藥香奩已染塵前哀將後感無淚可  
沾巾

艷質同芳樹浮危道畧同正悲春落實又苦雨傷  
叢穠麗今何在飄零事已空沉沉無問處千載謝  
東風

翫梅花感賦

昭惠后之卒也煜自製誄數千

懷嘗與后移植梅花于瑤光殿之  
西及花時而后已殂因成詩見意

殷勤移植地曲檻小欄邊共約重芳日還憂不盛  
妍阻風開步障乘月漑寒泉誰料花前後蛾眉却  
不全

九月十日偶書

晚雨秋陰酒乍醒感時心緒杳難平  
黃花冷落不成艷紅葉颼颼競鼓聲  
背世逐能厭俗態偶緣猶未忘多情  
自從雙鬢斑斑白不學安仁却自驚

病中書事

病身堅固道情深  
冥坐清香思自任  
月照靜居惟搗藥  
門扃幽院只來禽  
庸醫懶聽詞何取  
小婢將行力未禁  
頰間空門知氣味  
不然煩惱萬塗侵

病起題山舍壁

山舍初成病乍輕  
杖藜巾褐稱閑情  
爐開小火深

迴煖溝引新流幾曲聲暫約彭涓安朽質終期宗  
遠問無生誰能役役塵中累會合魚龍構強名

送鄧王二十弟牧宣城

王名從益出鎮宣州後主率近臣餞綺霞

閣賦詩自爲序其畧云秋山滴翠暮聲澄空愛公此行暢乎遐覽

且維輕舸更遲遲別酒重傾惜解攜浩浪侵愁光  
蕩漾亂山凝恨色高低君馳檣楫情何極我憑闌  
干日向西咫尺煙江幾多地不須懷抱重淒淒

秋鶯

殘鶯何事不知秋橫過幽林尚獨遊老舌百般傾  
耳聽深黃一點入煙流棲遲背世同悲魯瀏亮如

笙碎在縑莫更離連好歸去露華淒冷蓼花愁

渡江賦

宋師破金陵煜出降赴汴舉族冒雨乘舟渡江中流望石城泣下賦詩烈

祖五子第二子景遷無後詩云兄弟四人謂元宗本支及景遂景達景邊也詩載馬令南唐書及江南野錄並云煜作有謂楊氏子孫幽閉泰州作者誤

江南江北舊家鄉三十年來夢一場吳苑宮闈今

冷落廣陵臺殿已荒涼雲籠遠岫愁千片雨打孤

舟淚萬行兄弟四人三百口不堪閒坐細思量

書周后靈筵手巾

浮生苦懽悴壯歲失嬋娟汗手遺香漬痕眉染黛

煙

又書琵琶背

爲立  
后作

侑自肩如削難勝數縷條天香畱鳳尾餘暖在檀

槽

重賦梅花

此亦懷  
亡后作

失却煙花主東君自不知清香更何用猶發去年

枝

題金樓子後

并序

梁季元謂王仲宣昔在荊州著書數十篇荊州  
壞盡焚其書今在者一篇知名之士咸重之見  
虎一毛不知其斑後西魏破江陵帝亦焚盡其  
書曰文武之道盡今夜矣何荊州壞焚書二語  
先後一轍也  
詩以慨之曰

牙籤萬軸裹紅綃王粲書同付火燒不是祖龍畱  
面目遺篇那得到今朝楓牕小牘云此詩同書藏內庫今朝字誤作金朝徽廟惡而抹之後竟如識入金

悼昭惠周后二首

又見桐花發舊枝一樓煙雨暮淒淒凭欄惆悵人  
誰會不覺潛然淚眼低

層城無復見嬌姿佳節纏哀不自持空有當年舊  
煙月芙蓉池上哭蛾眉

賜宮人慶奴

墨莊漫錄云煜嘗書黃羅扇上至今藏在貴人家

風情漸老見春羞到處消魂感舊遊多謝長條似

相識強垂煙態拂人頭

句

迢迢牽牛星杳在河之陽粲粲黃姑女耿耿遙相

望

癸辛雜集

鶯狂應有恨蝶舞已無多

落花庵筆記云老學

此未久亡國

揖讓月在手動搖風滿懷

詠扇燕語宋太祖

嘗因曲宴使煜誦其得意詩舉此太祖曰好一個翰林學士

病態如衰弱厭

厭向五年

以下律髓注

衰顏一病難牽復曉殿君臨

頗自羞

冷笑秦皇經遠畧靜憐姬滿苦時巡

髻從今日添新白菊是去年依舊黃

以下翰府名談

萬

古到頭歸一死醉鄉葬地有高原

此于歲暮乘醉書

唐音統鑑

卷一

七言

八

之大悔不  
久謝世

人生不滿百剛作千年畫

野客叢談

日

映仙雲薄秋高天碧深

海錄碎事

烏照始潛輝龍燭

便爭秉

以下孔帖

凝珠滿露枝

游颺日已西肅穆

寒初至

九重開扇鵲四牖炳燈魚

羽觴無算

酌傾盃更爲壽深卮遞酬賓

前蜀後主王衍詩四首

衍字化源建之子知學問能爲浮艷詞委政宦官聽

信韓昭嚴旭等拜客同妃妾酣飲唱和恣爲荒淫嗣位七年爲後唐所滅見害

幸秦川上梓潼山

喬巖簇冷煙幽逕上寒天下瞰峨眉嶺上窺華岳

巔驅馳非取樂按幸爲憂邊此去將登陟歌樓路



幾千

題劒門

緩轡踰雙劒行行躡石稜作千尋壁壘爲萬祀依  
憑道德雖無取江山粗可矜迴看城闕路雲疊樹  
層層

過白衛嶺和韓昭

先朝神武力開邊畫斷封疆四五千前望隴山屯  
劒戟後憑巫峽鑠烽煙軒皇尚自親平寇羸政徒  
勞愛學仙想到隗宮尋勝處正應鶯語暮春天

宮詞

蜀僑机云嘉王宗壽每諫諍衍不樂燕  
會衍命宮人李玉簫歌其所撰宮詞送

宗壽酒宗壽懼禍乃飲伎臣潘在迎日嘉  
王間玉簫歌卽飲請以玉簫賜之衍曰王  
必不納其詞曰

輝輝赫赫浮玉雲宣華池上月華新月華如水浸  
宮殿有酒不飲真痴人

句

不緣朝闕去好此結茅廬

北夢瑣言云衍俘入秦  
至劔閣閱山水之美作

時人  
笑之

吳越王錢鏐詩二首

鏐字具美臨安人唐末以鄉  
兵討賊平劉漢宏董昌亂奄

有吳越十三州地建國稱王好吟詠通圖緯學  
喜作正書卒謚武肅傳世一百四年納土于宋  
巡衣錦軍製還鄉歌吳越備史鏐生臨安石  
鏡鄉臨水里有大木鏐

幼與羣兒戲其下坐大石指麾為隊伍鏢  
既貴昭宗改其鄉口廣義里口勳貴所居  
營為衣錦營俄又升為衣錦軍號大木為  
衣錦將軍天復元年鏐于其地大會故老  
賓客山林樹木皆覆以錦帷表衣錦之  
榮開平四年鏐遊衣錦軍作還鄉歌

三節還鄉兮掛錦衣碧天朗朗兮愛日暉功臣道  
上兮列旌旗父老遠來兮相追隨家山鄉眷兮會

時稀今朝設宴兮觥散飛斗牛無孛兮民無欺吳

越一王兮駟馬歸

湘山野錄云時父老不解此歌

歡喜別是一般滋味子長在我懷

心子裏至今狂童游女能効之

沒了期歌

晉公談錄武肅所言皆可律下忽

部轄者皆怒王曰不必怒續書云

云卒伍見之怡然力役不曠怨咨

沒了期沒了期營基纔了又倉基

軍士

沒了期沒了期春衣纔了又冬衣

武肅

句

須將一片地付與有心人

題湖州樊蘭堂 備史

先示意後為州十一載

黃河信有澄清日後

代應難繼此才

羅隱發疾鏐橋問題其壁云云隱

動風雷此也隱身後

傳語龍王并水府錢塘借

與築錢城

鏐築捍海塘函詩一章置海門

後王錢俶詩一首

俶字文德嗣位二十二年納上

諫自縮其詩數百首為正

本集回陶穀使至求為序

宮中作

汝帖

廊廡周遭翠幙遮禁林深處絕喧譁界開日影憐  
牕紙穿破苔痕惡笋芽西第晚宜供露茗小池寒  
欲結冰花謝公未是深沉量猶把輸贏局上誇

閩王王繼鵬一首

審知之孫弒父嗣立更名  
初爲審知少子延義所殺

批葉翹諫書紙尾

榕陰  
新檢

春色曾看紫陌頭亂紅飛盡不禁愁人情自厭芳  
華歇一葉隨風落御溝